



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 12. 2018

Hasiendo Sparmentu prêt pa Mucha i Teenager!

Kon tempran ta muchu tempran pa bo yu kuminsá siña tokante di sèn òf siña tokante di e responsabilidat di sparmantu? Kuantu aña bo ta kere bo nietu mester tin promé ku bo kuminsá papia kuné tokante ponementu di sèn un banda pa spar. Bo yu tin un sparpòt? Bo nietu teenager tin un kuenta di banko? En kasó ku no, kiko bo ta warda?

Maneho di sèn kasi no ta un di e karakterístikanan ku mayornan ta pensa ku nan mester siña na yunan. Sigur e no ta huntu ku e otro aktividatnan èkstrakurikulo manera lès di música, balèt òf natashon loke mayoria di mayornan ta hasi un prioridat pa nan yunan. I definitivamente e no ta den e tópikonan importante riba lista ku mayornan normalmente ta diskutí ku nan yunan. Kòmbersashonnan manera e importansia di no gaña, e importansia di sea respetuoso, partikularmente ku grandinan, e importansia di ta kariñoso òf asta e importansia di tene bo kamber limpi, ta tuma lugá. Pero no ta e ròl di un mayor òf voogd, pa guia e desaroyo di e mucha di tal forma ku nan ta bira adultonan produktivo pa sosiedat, nan mes, nan famia i komunidat? Lo bo no ta di akuerdo ku ta finansieramente konsiente i responsabel, ta un di e kalidatnan asina, ku e teenager mester tin ora e ta desaroyando pa adultes hóben?

Nos a mira e grado na kua e falta di konosementu finansiero i know-how den nos adultonan ku ta kuminsando nan bida di trabou, a kondusí nan gastamentu di sèn di mas, nivelnan haltu di debe i kuentanan babukante di tarheta di krédito. Kuantu bo ta kere por wòrdú kambiá ku aktividatnan simpel ku abo como mayor, voogd, wela i tawela, tanta, tio òf ruman mas grandi por hasi durante algun aña hopi tempran den e bida di un mucha?

Resientemente mi a bin topa ku un artíkulo, kaminda Kevin O'Leary, un di e invershonistanan den Shark tank riba ABC a atmití di a kumpra sparpòtnan transparente pa su yunan, pa asina nan por mira kuantu sèn tabatin aden. Pa sementá e idea ku sèn ta trahando duru dor di interes kompuesto, e tabata pone monedanan èkstra den e sparpòtnan di su yunan durante anochi ora nan tabata drumi. Ora nan lanta mainta, nan lo a mira ku nan sèn a krese. Por ta abo lo no bai dje leu. Pero pensa riba dje, e muchanan ei for di un edat hopi hóben a wòrdú eduká den e konsepto di posponé gratifikasiòn inmediato pa e benefisionan di interes kompuesto riba sènnan di spar, di un manera hopi simpel!

Práktikanan asina, sigur lo laga e muchanan aki krese, ku un mihó apresio di e nesesidat pa invertí i ku un responsabilidat mas haltu pa maneho apropiá di sèn. Por ta bo no tin e tempu pa slùip drenta e kamber di bo yu meimei di anochi pa tòpùp nan sparpòt, pero tin hopi mas kos ku bo por hasi pa bo yunan como mayor.

Ata aki un par di teeps ku por hasi un diferensia grandi den siña bo yu òf nietu tokante sèn i sparmenntu:

1. Kumpra un sparpòt pa bo yu for di tres aña di edat. Ora e yu haña sèn durante e añanan tempran aki, òf haña monedanan rònt di kas, enkurash'è pa pone e sèn den e sparpòt;
2. Kiko ta pasa ora e sparpòt ta yen? Den lugá di gasta e sèn, di kon no bai e banko i habri un kuenta pa bo yu. Laga bo yu ta un parti di e proseso, lag'è yuda ku kontamentu di e monedanan pa asina e por apresiá plenamente kuantu nan ta pone riba e kuenta. Mihó ainda, esaki lo ta un momentu oportuno, ora ku bo tin e ofisial di banko pa yuda, pa splika e poder di interes kompuesto i e potensial pa e sèn krese si bo lag'è sin mishi kuné;
3. Un Pòchi pa Spar – si bo yu tin gana di un sierto huguete, e por wòrdú enkurashá pa pone sèn un banda den e pòchi di spar loke e ora ei por bai na kumpra e huguete. Pa enkurashá esaki mas ainda, bo por negoshá pa kontribuí laga nos bisa 50% di e kosto di e huguete si e mucha spar e otro 50%;

4. I miéntras ku e yu ta birando mas grandi i ta wòrdú duná tareanan di hasi rònt di kas kaminda probablemente e ta wòrdú pagá òf si bo yu ta haña un tipo di zakgeld pa siman, enkurash'é pa spar un parti di e sèn. Trata di enfatísá mas tantu posibel kon sèn por krese dor di sparmantu despues di un tempu si no mishi kuné;
5. No sea basilante pa hiba kòmbersashonnan tokante sèn i invertimentu. Nunka ta un mal momentu pa kuminsa siña e topiko di maneho di sèn i di sparmantu apropiá.

Sigui Skina di Invershonista pa tur kos ku bo mester sa tokante Kreashon di Rikesal!

E editorial aki a wòrdú presentá na bo pa DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.

